

皇朝文獻通考

九一



皇朝文獻通考卷一百六十九

樂考十五

樂歌一

圜丘樂章

康熙十六年定

神奏始平之章

敬承純佑兮於昭有融時維永清兮四海攸同輸
忱元祀兮從律調風穆將景福兮乃眷微躬淵思

皇朝文獻通考 卷一百六十九
高厚兮恐負鴻則聿章彝序兮夙夜宣通雲輶鸞
輅兮忽降中壇翠旗紛裊兮列缺豐隆肅始和暢
兮慶洽陶匏百靈祇衛兮齋明辟公恭仰

顯穹兮神來燕喜協昭慈惠兮逖鑒予衷

奠玉帛奏景平之章

靈旗爰止兮奉玉筵執事有恪兮駿奔前有美珪
璧兮薦縞織經緯獲理兮耀瑚璉來格洋洋兮思
儼然孔忱翼翼兮告中虔

進俎奏咸平之章

升肴珍錯兮列豆籩古蠲爲饌兮格乾園九州美
味兮薦膏鮮犧牲潔敬兮苾芳筵願垂降鑒兮駐
雲輶錫嘉福兮億萬斯年

初獻奏壽平之章

玉笋肅陳兮明光桂漿初醞兮信芳臣心迪惠兮
捧觴醴齊載德兮馨香靈慈徽眷兮喬皇勤仰止
兮斯倘佯

亞獻奏嘉平之章

考鐘拂舞兮再進瑤觴翼翼昭事兮次第肅將睟

三朝文獻通考 卷一百六十九
二
顏容與兮蒼几輝煌穆穆居歆兮和氣洋洋生民
望澤兮仰睨玉房榮泉瑞露兮慶無疆

終獻奏雍平之章

終獻兮玉笋清肅秬鬯兮薦微誠磬管鏘鏘兮協
氣升盈盈旨酒兮勿替思成尙其醉止兮懷嘉生
八龍蜿蜒兮苞羽和鳴

徹饌奏熙平之章

盥薦畢兮精白申虞燕娛兮勞

帝神百辟肅雍兮傾囂尊福施下逮兮宜祐人民

送

神奏太平之章

嘉德夙成兮唵藹壇塲穆思迴盼兮雲駕洋洋山
河日月兮朗曜崇深青龍按節兮白虎低昂洪鈞
滌蕩兮妖孽潛消我求時惠兮感思馨香鳴玉鏘
金兮肅若有望紫壇嶽嶽兮赫赫皇皇臣乘寶歷
兮載須我輔願蒙博產兮河岳鍾良天施地育兮
不可殫究殖我嘉師兮沐浴休光
望燎奏安平之章

雷車電邁兮飛遠揚有虔秉火兮炳越芳繁會賁
鏞兮奮龍旗俾爾昌熾兮降蕭光烝民歌福兮富
壽康予獲疇祉兮萬億斯皇

皇帝還宮導迎樂奏祐平之章

皇天有命

列聖承之我

后配德文匡武綏海隅寧謐神靈宴娛於萬斯年流慶

降釐

乾隆七年重定

迎

神奏始平之章

欽承純祐兮於昭有融時維永清兮四海攸同輸

忱元祀兮從律調風穆將景福兮迺眷微躬淵思

高厚兮期亮天工聿章彝序兮夙夜宣通雲輶延

佇兮鸞輅空濛翠旗紛裊兮列缺豐隆肅始和暢

兮恭仰

蒼穹百靈祇衛兮齋明辟公神來燕娛兮惟正

帝時聰協昭慈惠兮迺鑒臣衷

皇朝文獻通考 卷一百六十九
奠玉帛奏景平之章

靈旗爰止兮樂在縣執事有恪兮奉玉筵聿昭誠
敬兮駿奔前嘉玉量幣兮相後先來格洋洋兮思
儼然臣忱翼翼兮告中虔

進俎奏咸平之章

吉蠲爲饗兮肅豆遵升餽列俎兮敢弗虔毛炮繭
栗兮薦膏鮮致潔陶匏兮香水泉願垂降鑒兮駐
雲輶錫嘉福兮億萬斯年

初獻奏壽平之章

玉笋肅陳兮明光桂漿初醞兮信芳臣心迪惠兮
捧觴醴齊載德兮馨香靈慈徽眷兮裔皇勤仰止
兮斯徜徉

亞獻奏嘉平之章

考鐘拂舞兮再進瑤觴翼翼昭事兮次第肅將睟
顏容與兮蒼几輝煌穆穆居歆兮和氣洋洋生民
望澤兮仰睨玉房榮泉瑞露兮慶無疆

終獻奏永平之章

終獻兮玉笋清肅秬鬯兮薦和羹磬管鏘鏘兮祀

孔明旨酒盈盈兮勿替思成明命顧諟兮福羣生
八龍蜿蜒兮苞羽和鳴

徹饌奏熙平之章

一陽復兮協氣伸盟薦畢兮精白陳旋廢徹兮敢
逡巡禮將成兮樂欣欣瞻九闔兮轉鴻鈞福施下
逮兮佑此人民

送

神奏清平之章

升中告成兮晻藹壇場穆思迴盼兮雲駕洋洋臣

求時惠兮感思馨香願蒙博產兮多士思皇天施
地育兮百穀繁昌殖我嘉師兮正直平康

望燎奏太平之章

隆儀告備兮誠旣將有虔秉火兮炳越芳雷車電
邁兮九龍驤紫氛四塞兮靈旗揚烝民蒙福兮順
五常惟予小子兮敬戒永臧

皇帝還宮奏導迎樂章

崇德殷薦升燎告虔惟

聖能饗至誠

皇朝文獻通考 卷一百六十九
天眷駕六龍臨紫烟佑命申圖籙綿

臣等謹按祭祀樂歌俱重定於乾隆七年其奏樂
章名則乾隆十一年奉

御筆更定也

方澤樂章

康熙十六年定

迎

神奏中平之章

吉蠲兮玉宇開薰風兮自南來鳳馭紛兮後先岳

瀆藹兮徘徊肅展禮兮報功沛靈澤兮九垓

奠玉帛奏廣平之章

神州吉土兮中壇恣我郊時兮孔嚴辟公趨蹌兮
吉蠲考鐘伐鼓兮肆筵黃琮織縞兮陳列靈光下
燭兮誠悃宣

進俎奏咸平之章

玉俎金奏兮未央嘉餼有踐兮大房牲牷告歆兮
惟恪民力普存兮肅將厚載資生兮無外几筵俯
鑒兮洋洋

皇朝文獻通考 卷一百六十九
初獻奏壽平之章

匏尊泛齊兮朝踐揚博碩升庖兮鼎方清風穆穆
兮靈旗張神明和樂兮舉初觴洽百禮兮禋祀罄
九土兮豐張

亞獻奏安平之章

江茅兮縮漿山鼎雲羃兮馨香介黍稷兮芳旨再
展微誠兮趨蹌樂成八變兮樂只儼

皇祇兮悅康

終獻奏時平之章

方壇兮豐薦盈旨酒思柔兮中和平陟降從容兮
駐雲輶禮成三獻兮捧玉觥含弘廣大兮德厚靈
祐丕基兮永清

徹饌奏貞平之章

樽俎畢兮誠未虧黃琮告徹兮儀景暉晏陰定兮
邀靈錫南訛秩兮奏薰時肅惟昭明兮孔邇覃博
厚兮載羣黎

送

神奏寧平之章

望瘞同

皇朝文獻通考卷一百六十九
靈旗兮雲際屯飛龍兮逝駸駸陰儀粹兮德純眷
四海兮無塵配

皇穹兮化宣綏百祿兮烝民

皇帝還宮導迎樂奏祐平之章

辭同祀
園丘不復載

乾隆七年重定

迎

神奏中平之章

吉蠲兮玉宇開薰風兮自南來鳳馭紛兮後先岳
瀆謁兮徘徊肅展禮兮報功沛靈澤兮九垓